

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u skladu sa članom 16. stav (1) i stav (2) Zakona o pravobranilaštvu („Službene novine Zeničko-dobojskog kantona”, broj: 12/13), a u vezi sa članom 12. i članom 18. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), na prijedlog Ministarstva za pravosuđe i upravu, Vlada Zeničko-dobojskog kantona, na 108. sjednici, održanoj 12.12.2025. godine, d o n o s i

ZAKLJUČAK

I.

Utvrđuje se Rang lista kandidata za imenovanje Zamjenika Kantonalnog pravobranioca Zeničko-dobojskog kantona.

II.

Zaključak sa obrazloženjem i Rang listom iz tačke I. upućuje se u dalju skupštinsku proceduru.

III.

Donošenjem ovog zaključka prestaje da važi Zaključak Vlade Zeničko-dobojskog kantona, broj: 02-30-10453/25 od 23.05.2025. godine.

IV.

Zaključak stupa na snagu danom donošenja.

Broj: 02-_____/25
Datum, 12.12.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), nakon obavljenog intervjua sa svim kandidatima, te na osnovu bodovanja izvršenog u skladu sa na osnovu Kriterija utvrđenih Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16, 5/23, 10/23 i 5/24), utvrđuje se:

RANG LISTA
kandidata za imenovanje Zamjenika kantonalnog pravobranioca
Zeničko-dobojskog kantona

Ova Rang lista sačinjena je na osnovu Pismene preporuke broj: 06-30-13619-7/24 od 24.09.2024. godine dostavljene Ministarstvu za pravosuđe i upravu Zeničko-dobojskog kantona od strane Komisije za sprovođenje Javnog oglasa za popunu upražnjenih pozicija u reguliranim tijelima Zeničko-dobojskog kantona - Kantonalni pravobranilac i Zamjenik kantonalnog pravobranioca dostavlja na daljnje razmatranje Rang listu kandidata za Zamjenika kantonalnog pravobranioca Zeničko-dobojskog kantona

R/B	Ime i prezime	Kriteriji bodovanja		Ukupno bodova
		Komunikacijske i organizatorske sposobnosti	Rezultati rada ostvareni tokom poslovne karijere (ocjena, objavljeni stručni radovi)	
1.	Srđan Milešić	19	20	39
1.	Olja Trinki - Tomaš	18	21	39
3.	Amela Brdarević	17,5	19	36,5

Napomena: Prilikom sačinjavanja Rang liste Komisija se rukovodila principima i procedurama utvrđenim Zakonom o ministarskim, vladinim i drugim imenovanjima Federacije Bosne i Hercegovine vodeći računa da imenovanje ne dovodi do sukoba interesa.

O b r a z l o ž e n j e

Pravni osnov

Pravni osnov za Prijedlog Rang liste kandidata za Zamjenika kantonalnog pravobranioca Zeničko-dobojskog kantona sadržan je u odredbi člana 16. stav (1) i stav (2) Zakona o pravobranilaštvu („Službene novine Zeničko-dobojskog kantona”, broj: 12/13) i članova 12. i 18. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13).

Razlozi za donošenje

Shodno članu 16. stav 2. i članu 17. Zakona o pravobranilaštvu („Službene novine Zeničko-dobojskog kantona”, broj: 12/13), Ministarstvo za pravosuđe i upravu Zeničko-dobojskog kantona je objavilo Javni oglas za popunu upražnjenih pozicija u reguliranim tijelima Zeničko-dobojskog kantona - Kantonalni pravobranilac i Zamjenik kantonalnog pravobranioca objavljen u dnevnom listu „Oslobođenje“ dana 02.08.2024. godine, na web stranici Zeničko-dobojskog kantona u dijelu Javni pozivi/Konkursi 01.08.2024. godine i u „Službenim novinama Federacije BiH“, Oglasni dio, broj: 61/24 od 07.08.2024. godine.

Ministar Ministarstva za pravosuđe i upravu je shodno članovima 20., 21. i 23. tačka f) Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16, 5/23, 10/23 i 5/24) i člana 3. stav (1) tačka c) i stav (2) Uredbe o načinu, uvjetima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21), formirao Komisiju za sprovođenje Javnog oglasa za popunu upražnjene pozicije u reguliranim tijelima Zeničko-dobojskog kantona - Kantonalni pravobranilac i Zamjenik kantonalnog pravobranioca.

Shodno zadacima utvrđenim Rješenjem o formiranju Komisija je izvršila pregled pristiglih prijava za poziciju Zamjenika Kantonalnog pravobranioca te utvrdila da je za navedenu poziciju pristiglo četiri potpune i jedna prijava koja je od strane Komisije ocijenjena kao nepotpuna, te je Komisija zakazala intervju za prijavljene kandidate.

Nakon provedene procedure Komisija je ministru za pravosuđe i upravu dostavila Pismenu preporuku, shodno članu 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), nakon obavljenog intervjua sa kandidatima, te na osnovu bodovanja izvršenog u skladu sa na osnovu Kriterija utvrđenih Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona, prema kojoj je Ibrahimagić Sabahudin najbolje ocijenjeni kandidat na poziciju Zamjenika Kantonalnog pravobranioca Zeničko-dobojskog kantona, te koji je nakon dostavljanja Uvjerenja predviđenog članom 3. stav (2) Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona kao i Javnim oglasom, Zaključkom Vlade Zeničko-dobojskog kantona broj: 02-30-10453/25 od 23.05.2025. godine utvrđen kao prijedlog kandidata za imenovanje na poziciju Zamjenika Kantonalnog pravobranioca, a sve prema prijedlogu materijala za razmatranje na sjednici Vlade Zeničko-dobojskog kantona izrađenog od Ministarstva za pravosuđe i upravu i upućenog Vladi Zeničko-dobojskog kantona aktom broj: 06-30-13619-12/24 od 13.03.2025. godine.

Skupština Zeničko-dobojskog kantona je dana 12.11.2025. godine aktom broj: 01-30-13619-11/24 od 12.11.2025. godine obavijestila Ministarstvo za pravosuđe i upravu i dostavila akt kojim predloženi kandidat Skupštinu Zeničko-dobojskog kantona obavještava da iz ličnih razloga

odustaje od imenovanja, te iznijela stav da nadležno resorno ministarstvo preduzme odgovarajuće aktivnosti, te da o istim obavijesti Skupštinu Zeničko-dobojskog kantona.

Obzirom da je članom stav (3) Zakona o ministarskim, vladinim i drugim imenovanjima Federacije Bosne i Hercegovine propisano da nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. **Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao slijedeći na listi s užim izborom bit će razmatrani za imenovanje,** uvažavajući navedenu odredbu kao i odredbu člana 18. istog Zakona kojom je propisano da će se ovaj zakon čitati zajedno sa i kao dopuna postojećim zakonima, uredbama, pravilima odnosno propisima Federacije odnosno Bosne i Hercegovine i osim ako ti zakoni, pravila, uredbes odnosno i propisi nisu u suprotnosti s odredbama ovog zakona, te se njime ne mijenja lice ili organ (uključujući svakog ministra u vladi, vladu, kantonalne, gradske ili općinske organe, drugog zvaničnika ili organ) koji je ovlašten za konačno imenovanje lica u regulirani organ prema postojećim zakonima, pravilima, uredbama odnosno propisima, Ministarstvo za pravosuđe i upravu je svojim aktim pismenim putem pozvalo kandidate koji su rangirani kao sljedeći na listi da u što skorijem roku dostave dokaz o ispunjenju općeg uslova (poglavlje III. tačka h javnog oglasa), a koji se odnosi na činjenicu da kandidat koji se predlaže za konačno imenovanje nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne, te isto lično zatraže u nadležnoj policijskoj upravi prema mjestu rođenja i dostave Ministarstvu za pravosuđe i upravu radi upućivanja prijedloga imenovanja odgovornom javnom službeniku.

Ministarstvo za pravosuđe i upravu je zaprimilo traženi akt od svih ostalih kandidata koji se nalaze na Prijedloga Rang liste odnosno Pismene preporuke kojim dostavljaju uvjerenja Ministarstva unutrašnjih poslova Zeničko-dobojskog kantona – Uprava policije - PU I u kojem se navodi da su svi imenovani neosuđivani prema podacima kaznene evidencije.

Obzirom na navedeno predlaže se razmatranje Prijedloga Rang liste kandidata za Zamjenika kantonalnog pravobranioca Zeničko-dobojskog kantona uz napomenu da je shodno članu 2. stav 1. tačka 1.6. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) odgovorni javni službenik „*ministar ili drugo lice ili organ u čijoj je nadležnosti regulirani organ i koji, prema odredbama ovog zakona, ima krajnju odgovornost da osigura da postupak izbora na koji se primjenjuje ovaj zakon bude proveden u skladu sa principima iz člana 3. ovog zakona i postupcima utvrđenim ovim zakonom. Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, **skupština kantona**, skupština grada ili općinsko vijeće tada je odgovorni javni službenik Parlament Federacije Bosne i Hercegovine, **skupština kantona**, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika u smislu ovog zakona*“, te da ukoliko Skupština Zeničko-dobojskog kantona, kao odgovorni javni službenik, ima potrebu za dodatnom dokumentacijom kandidata, Ministarstvo za pravosuđe i upravu će istu dostaviti bez odlaganja, uz napomenu da je članom 15. navedenog Zakona propisano sljedeće: „*Lični podaci o podnosiocima prijava su tajni i mogu se prikupljati i obrađivati samo u skladu s odredbama Zakona o zaštiti ličnih podataka Bosne i Hercegovine.*“